

茅山志卷之三十一

七

茅山志卷之三十一

火七

上清嗣宗師劉大彬造

元詩

喜客泉

客游華陽天山徑有竹輿首登大茅頂天市

神仙居回觀喜客泉稽首孫仙姑方池鑑止  
水湛湛涵太虛仙君驅驪龍為吐萬斛珠袞  
袞出石底拍手相歡呼有情感無情此理妙  
鼓桴泉喜客亦喜主人當何如我願酌一勺  
萬物同霑濡歌詩謝山靈臨風重躊躇

全清境界

境界全清地位高山中盡日樂陶陶旋劉白石  
開三徑可是青山厭二豪眼底浮榮看草  
露耳根清韻起松濤明朝足馬西湖路回首  
靈峯聳巨鼇

別茅山

火七

長松古道翠深深回首層巒聳積金鶴語雲  
峯人換世鳳苔仙路客來今連朝晴雨隨人  
意到處煙霞感帝心如此山川歌不足行看  
袞袞出詞林

延祐元年五月重祀茅山瑞鶴詩序

至大庚戌秋百餘鶴集大峯一宿宗師劉君以其明年入覲嘗圖以獻茲以上命再祀宗壇比至下泊有鶴十二若相迎導遂賦二絕并紀之

一雨三峯分外青巖華澗草共欣榮茅君聞道天香至先遣西山羽駕迎

圖寫丹青上九天秋風百鶴駐山前誰知六轡重來日又見排空十二仙

重登第一峯

重登大峯頂曉色正蒼涼華構煙霞壯幽居  
日月長碧雲浮洞戶清露沁衣裳水淺玄龍  
躍林深黑虎藏去天疑咫尺勝地豈尋常屏  
俯金峯畫鑪分玉案香會仙猶有市濟世得  
無方藥圃多春意丹房耿夜光何時結茅屋

火七

二

稽首禮華陽

二峯

壇高青石古峯小白雲多樂奏仙君喜茶香  
使客過神丹藏葢笈清露滴松蘿路接金鼇  
背回輶發浩歌

三峯

三峯琳宇狀松老鶴知還江白南徐月樓青  
北固山浮雲通地肺古洞敞天關寄語尋仙  
者蓬萊只此間

重過喜客泉

萬珠寒湧碧琉璃山色天光湛一池客本喜  
泉泉喜客闌干倚徧立多時

前度題詩重拂塵泉迎熟客喜津津主人不  
負當年約爲把殊庭總一新

震靈方丈贈玉虛宗師

曉起南窗看白雲道心如水鬢絲銀當時宣  
室前釐席此日仙壇得主人方外煙霞知有  
喜掌中雷雨信如神夜來親見茅君說五百  
年間再世身

閒閒真人奉旨代祀三茅竣事既歸以行

火七

三

卷示予爲詩若干首并集庚戌代祀詩援  
先虛靖書劉靜一詩例求予并書將以傳  
焉予不見瓢藁久矣讀之釋然於登吾向能  
賦間而有歸美報上之心又皆以王事而  
從方外之樂真如坡翁所稱羨者是皆宜

書也故爲行筆亦以想象同游之意云耳  
若曰擬虛靖則不敢延祐第一重九日嗣  
天師張與材敬題

送悟侍者游茅山

仇遠

雲開三茅古洞天借風一舵荆溪船所思綿  
綿長在夢此行冉冉如登仙汲泉淨洗黃獨  
雪斲石深耕瑤草煙蕙帳香凝蒲坐暖共讀  
南華秋水篇

寄梁中砥

三首

釋覺恩

白雲明月本無期君子長吟有所思鴈向石



頭城畔過寄書安用牧鵝兒  
憶昔吳門商子家小樓吹雪賦蘭花人間百  
番金波滿一番清愁百洛义  
抹電浮漚豈足憑餘生只合付騰騰華陽書  
出金籠首好是爲山某甲僧

傷中砥

文溪書到千峯閣報道良常已上升共我偶  
然成百歲知君久已伐三彭社中不見丹元  
子世上空傳白石生猶憶去年長別處一蓬  
春雪讓王城

初發金陵夜泊龍灣寄華陽道士

僧大訢

平生不必行萬里不必讀盡萬卷書願為茅  
山十日客山僧坐列羣仙圖大峯揚鬢出天  
闕小峯萬馬爭奔趨俄頃波濤忽破碎木末

火七

四

飛上金畢逋青書畫馳壇室靜玉鞭夜擊聞  
傳呼去年獨宿丹井下天風掃地迎麻姑今  
年許入玉柱洞誰遣旅食隨檣烏懷人弔古  
夜寂寞寒江月落號鼙鼉祖龍埋金王氣歇  
梁宮晉苑沉煙蕪想見雲林映朝日山中宰

相良非迂

登三峯

僧智圓

茅氏初成子三分地肺顛丹光時隱見石徑  
逆盤旋黑虎嘯清月斑龍馭紫烟陶公如可  
作欲問普通年

登大峯

僧惟則

白雲剪作瑤臺雪紅旭蒸開玉洞花山北山  
南看更好炊煙朶朶是仙家

天市危闌倚碧空兩京山水見冥蒙東來十  
日風霜路近在寒嵐一抹中

游陶塘三館之間

一片松林又一宮  
開門面面看茅峯  
意行恍惚廬山路  
歸飯僧分上下鐘

雲林清遠四時詞

馮子振

花分石徑蝶衣裳  
蜂惱晴檐燕雨香  
解事野

火七

五

桃吹綺片誰教賺  
到鵲仙鄉

脫籜斑筠綠節明  
霖收梅子麥寒輕  
諸峯隔截高低樹  
忽報初蟬第二聲

月濕流螢歇懶煙  
西南峯缺露原田  
冰簾不倩匡山瀑  
萬丈銀潢瀉玉天

嘉平臘釀渴茶鐺直待龍沙雪水烹舞徹瑤  
臺千歲翻鶴丹回苑范長生

喜客泉

倪天奎

斯泉定何神客至粲然喜水何預人事是亦  
氣機使坐看百琲珠生滅了無已客問從何  
來如雷起處起

三峯 三首

王仁輔

三峯伯仲行茲峯獨雄尊神霄開廣庭坐受  
淮江奔華蓋垂地肺蔚藍抱天根稽首大司  
命冷風假騰騫

大峯肩摩天中峯曾蕩雲無樹不古色有花  
皆仙芬縱目畧淮甸游心遺世紛誓將拂金  
案畢願從茅君

仙仙三神君鼎峙三峯顛小君保民命萬靈  
奉周旋風清石壇月天近香鑪煙安得控丹

鶴遨遊接飛仙

山中春日

褚環中

向陽松下雪泥乾野簇催春上客盤一勺紅  
泉人換骨春風莫作舊年看

宗壇秋夕 二首

流綺平雲徹夜開  
月明峯頂見樓臺  
瑤瑤聲裏天燈近  
知是三真謁帝回

山繞天壇桂月涼  
斗牛斜掛曲闌傍  
清吟未徹金鐘奏  
催上朝元午夜香

積金峯訪梁道士

白珽

火七

六

驚羽穿林看細碎  
健輿繞石聽歌斜  
道人住近茅峯北  
一簇樓臺五色霞

京師贈劉尊師二首

揭傒斯

天書三聘出山來  
南望三茅日幾迴  
每說浮名先氣短  
常因佳客暫眉開  
逢迎半是琴書

典留滯空驚歲月催自笑山間林下客四年  
風雪與塵埃

知君用意世難聞常恐山門汗白雲方朔豈  
能遺漢主魯連曾是卻秦軍已無豪傑平生  
夢賴有神仙不死勲早晚蒙恩遂歸計青山  
多處禮茅君

京師送玉虛宗師還山 吳善

道人可服鹿皮冠曾約茅君駕紫鸞天外至  
今風露好人間何處水雲寬陰陰木葉藏經  
榻藜藿林華綴石壇欲趁歸舟下吳越凌風



飛佩不堪攀

同前

元明善

句曲山高莫楚氛  
神仙初祖大茅君  
遙天歸鶴盤秋月  
幽壑潛蛟唼夜雲  
丹鼎神光松桂室  
酒壺春色澗溪芹  
一從待詔西清閣  
石髮梳香得夢聞

火七

七

題晉楊真人楷書黃素黃庭經

趙孟頫

琴心玉文洞玄玄  
金鈕朱錦迺汝傳  
子能得之可長年  
黃素纈泉完且堅  
橫理如髮約兩

邊從有赤道如朱弦文居其間走玄蛾飛雲  
卷舒相終始大道甚夷非力使無爲自然有  
至理誰能精專換骨髓明窻之塵不瑕穢目  
中有神迺識真白玉爲軹裝車輪裹以天上  
翠織成仙人樓居儼長生鸞鵠翔舞猿猱輕  
予能得之慎勿驚宮室之中夜自明上清真  
人揚與許焚香清齋接神女手作此書留下  
土千年留轉子爲主東方蒼龍右白虎廉不  
子求貪勿予

玄洲倡和

并序

句曲外史張嗣真學道茅君山所居玄洲  
精舍左右多真仙古跡曰菌山羅姑洞霞  
架海鶴臺玄洲桐華源紫軒火浣壇隱居  
松等與趙孟頫同賦小詩以記其處至治  
二年壬戌歲四月二十三日道吳興溪上

復還句曲書使刻石以爲山中故事

菌山

靈丘狀三秀紫雲覆其顛易我朝生所只閱彼  
大椿年

右張嗣真

結茅依菌山焚香候芝蓋真靈幸憫我冠珮

時來會

右趙孟頫

羅姑洞 事見真誥

九疑得道女受事易遷家詩贈金條脫人逢  
鄂綠華

蒼梧眇天末聞有綠毛仙却遇華陽路人間

火七

九百年

霞架海

日芒界金色虹梁飲鳳阿直把天孫袂烏鵲

詎填河

衆水會一壑天近發霞光晨興新沐竟晞髮

向朝陽

鶴臺

靜夜颯靈風神君語帳中至今雙白鷁時下

五雲峯

上有白鶴翔下有幽人居幽人道當成白鶴

來不虛

桐華源

華林清散景丹水碧凝脂落葉秋無數宜都

懶寄詩

伊誰植斯桐萋萋滿幽谷鳴鳳久不聞何當

一來宿

玄洲精舍

梁周處士弘讓題  
桓真人壁不別撰

李基遺故鼎趙嘯絕風雲悠悠千載下更復

屬夫君

子有鸞鶴想甘同麋鹿游懸榻應待我分我

火七

九

半玄洲

紫軒

玄窻太霞氣赤書洞古文借問軒中主莫是

紫陽君

林君已仙去紫軒名尚存丹光時或現藥鼎

夜常温

茅山志卷之三十一



